

武陵縣志卷之三十六

司治王
成編成

陽湖 惲世臨鑒定

邑人 陳啟邁纂輯

人物志第二

仕蹟下

國朝

胡統虞字孝緒父應斗有孝行統虞生有異徵少授書過目不忘潛心理學旁及孫吳穰苴攻戰之法神仙方技莫不貫穿精微蒼撮成書崇禎癸未登進士改庶吉士甲申之變被執不屈自經者再賊邏守之未幾我師大破賊於關門得

武陵縣志

卷之三十六

人物志 仕蹟

不死乃變姓名走固安會 詔以原官起用為邑令所述弓

旌到門固辭不受大學士范文程東帛聘之曰統虞今之許

衡也不可失敦迫就道旋授 國史院檢討丙戌會試充同

考官八月再舉鄉試充順天正考官丁亥拜國子監祭酒時

方開創統虞議立規條作明善四禁以勵諸生每三月一講

學於彝倫堂環橋門而聽者日昃忘倦己丑纂修 太宗

實錄充副總裁晉禮部尚書尋拜內秘書院大學士教習庶

吉士講學 萬壽宮高恆懋戴玉綸吳就恆孫光憲皆受業

有御史張燿者與統虞同巷居疏論執政坐訕謗論死或譖

疏實出統虞手邏者四出幾不免壬辰會試充正總裁率同

儉嘗於神務獎擢單寒榜發貫遊多黜以首題專主用人不
合朱註脅首揆論劾有再行會試之議已而勅部科磨勘會
元程可則並同榜削去者凡幾人統虞下考功議鑄六級調
用方事之殷也統虞默無一語但負咎自怨而已識者以爲
得大臣體四月補祕書院學士卒於官囊無一金惟圖書數
千卷棺衾含穢諸門人爲之經紀著有明善堂集兄順虞字
孝升以明經知大足縣弟新虞廕光祿寺署正長子觀徵字
四庸拔貢生著有蕪城詩集次泰徵廕貢生有學行季獻徵
自有傳 通志參宋琬撰墓志銘

胡獻徵字存仁以父廕任都察院經歷轉主事員外郎晉刑

武陵縣志

卷之三十六

人物志

仕蹟

二

部郎中治獄多平反以諳練典故預修 大清會典成議敘

補直隸巡道護理巡撫印務以勤慎著擢湖北布政使未任

調江蘇措施畧具成效與大僚議事不合謝病歸居十餘年

調赴永定河工以病卒

府志

胡期恆字元方獻徵子康熙乙酉舉人四十四年 聖祖

南巡期恆與高不騫等獻詩受上賞授翰林院典籍校書南

書房與修佩文韻府出爲遵義府通判治郡有恩信民建生

祠累擢夔州府川東道陝西布政使雍正元年巡撫甘肅川

督年羹堯劾以詳揭不實解任尋下獄十年釋歸主講揚州

梅花書院數年卒弟期慎河間府同知期頤字永叔知臨江

府被劾落職乾隆丙辰舉博學鴻詞格於部議不得試子繩
武臨江府通判宸基衛輝知縣擢邵武府同知 府志

陳維國字大治明山東按察使仲錄孫順治壬辰進士初與
父避兵山中賊欲殺其父維國引頸求代刀刺左臂終不懼
賊感其孝兩釋之知陽信縣值河患賑災黎全活甚眾明年
旱禱雨輒應歲大獲邑人歌曰倪城有一令兩載活爾命倪
城有一尹兩載命不殞解任歸家徒壁立舌耕為活里中呼
為老校書康熙十三年滇逆犯常開科取士以文衡徵不就
使者以劍迫之維國視髮逃深山五年卒免偽命十七年
大兵底定貝子親王及綏遠將軍延至幕勞之稱為完人欲

武陵縣志

卷之三十六

人物志 仕績

三

薦於朝以老辭卒年八十有八雍正二年邑人楊縉等呈請
入鄉賢以當路有事不果 府志

劉昌臣字又昌順治乙未進士授刑部主事真定有孕婦寃
禁雪釋之擢按察僉事提學山東每試必引諸生立案側揭
諸經義疏及為文法度口講指畫不少倦士風為變秩滿里
居七載起浙江糧儲參議甯波守備安時泰督運中道運丁
猝發難自相殺當事欲以倡亂聞昌臣力爭惟誅首禍保全
甚眾署布政使適浙西衢婺間軍需旁午昌臣循環馳輓事
以辦集嚴州土寇竊發畱駐籌畫勦撫並用賊遂平一時有
一資文武之稱以勞瘁卒於官著有息補堂集 通志參行狀

陳觀聖字幼以前明江西按察使仲命孫篤學二十餘年生
臥榻席皆穿康熙戊戌成進士知榮河縣初下車民有井見
尸者前令以毆斃納井疑為觀聖獄謂手沙腹水乃溺井
非納井也改讞以請得活者九人榮河經兵燹捐俸買牛種
招逃民數年墾荒至二百餘頃邑西北苦河汾交衝觀聖築
隄防禁一切雜派擢知簡州會吳逆犯常未就任歸榮河人
請祀名宦著有樂餘草堂集子系淑拔貢生 府志

楊震生字又起以選貢知漳平縣有治劇才民有積欠久繫
者悉捐俸代完鎮兵倚勢居民房懲以法民賴以安擢知德
州 通志

武陵縣志

卷之三十六

人物志 仕蹟

四

汪浩字二至康熙癸酉舉人知江山縣有政聲行取戶部主
事轉工部丁外艱歸服闋補貴州道監察御史尋掌陝西道
雍正甲辰克會試監試官浩自以州縣游歷清班益勤職務
圖報稱不恤身家卒工部屯田郎中初入都清復常德會館
舊基竭力鼎修鄉人祀其主於館中 府志

屠南字扶九希綱孫康熙癸酉舉人令曲陽十二年潔已愛
民不攜妻子不延幕客大吏重其才守輒以繁劇委之權隆
平時值邑流行荒政拯卹得宜民困以甦 世宗幸五臺

經上出嘉其民情和樂輒蒙 賜問將破格錄用旋以目疾
歸邑人伐石頌德著有隆篆救災畧種蠡草堂集 府志

陳養元字正求康熙癸酉舉人知甯國縣時旱疫交作
車禱雨輒應施藥日起數百人發常平義社粟革除編糧耗
羨民忘其困有死絕壁下者往驗見一婦緣林踈望跡之得
蘭若隨婦徑入僧二人見官色變嚴鞫之則私婦而殺其夫
也皆伏誅民夜行躡僵尸里長首之養元知其非兇手諭曰
爾首自殺當活爾及尸所民如其教觀者皆歎惋中一人趾
高目動叱繫之情狀盡發眾驚爲神邑介萬山多虎害爲文
禱於神募勇士捕虎越月虎患息甯人作歌頌之暇則履隴
畝勸民築塘壩開溝洫立灌田法又以邑士樸陋寡文擇才
士爲義學師與之疏禮義制冠婚喪祭約俗以大變甯人感

武陵縣志

卷之三十六

人物志

仕蹟

五

之名其書院爲陳公書院權太平時迫轉漕程限行將罹罪
養元亟汰耗羨民大悅十日盡輸之先是太人以賑故聚而
譁養元至環泣謝罪爲請於督撫復得予賑粟萬餘石辛卯
分校南闈得徐啟巖等九人皆江左寒賤尋關節事發養元
獨無累辛丑行取入都甯人如失怡恃建祠西津上引見
以主事用丁憂歸雍正元年大學士張鵬翮疏薦以賢良徵
而養元前沒矣養元孝友敦睦置義田立宗祠周恤寒士修
輯甯志稱典核著鹿山詩文集甯陽政事錄太邑旌邑代庖

家祀鄉賢及江南名宦

府志

陳長鈞字殿九養元子以廩貢授武岡州訓導援例刻宣威

州有私鑄案株連三十餘人一訊立出之莽匪緬匪軍務勞
午大吏倚辦驛站有勞績以委訊鄰獄被議歸里居時有
北屯衛軍樊某控部長常二衛應補派餉費六千兩長鈞借
邑人陳民困狀守令爲白之大府得免派著有杜山詩存華
麓志餘滇南水道考

府志

楊農正字夏朔山松子十四補諸生吳逆陷郡索楊氏裔隨
父避地宛南遂投筆從戎得官大定守備從征紅苗功尤偉
人 覲擢游擊調武陵營子纘纘緒纘與族子超曾同中康
熙乙未進士纘字雲紀康熙辛卯舉人授龍巖州佐設社倉
周窘急請於當事建書院課士資以膏火總督德以知府薦

武陵縣志

卷之三六

人物志 仕蹟

六

旋謝病歸緒有傳見藝林

府志

楊紹字祇文山樛孫父農基明廕生父喪失明授書數過輒
成誦工詩能文時人比之張籍登康熙己丑進士授內閣中
書紹少孤鞠於祖母通籍後請歸養者十餘年服闋改知六
合縣累官山西按察使慎刑章肅風紀雪積冤以勞致疾
上遣醫診視尋直隸布政使著有成趣園詩集弟綬有賢
聲質產教子 曾著曾起曾蔚曾景曾皆登仕版超曾自有
傳著曾康熙庚子舉人歷知武緣東安平和邢臺魏縣潔已
愛民所至有聲蔚曾字宗林雍正甲辰副榜嘉禾教諭起曾
字少韓康熙丁酉舉人知星子縣鄱陽湖有糧艘遭風廉得

其實力請免賠調南豐以鋤強滋謗解官景曾字幼清乾隆丙辰進士歷知荏平陽穀嘉定縣調金壇邑多逋賦景曾細心綜覈盡得其實命按年徵納積逋一清以他事罷官貧不能辦裝留吳中主講書院

府志

楊超曾字孟班玉立長身於書無所不讀康熙乙未進士選庶吉士散館以第一授編修雍正四年入直南書房主湖北鄉試時南北甫分闈超曾首膺是命鎖院衡文卽昔年辛苦地蓋異數也督陝西學政累轉洗馬庶子六年改順天學政七年擢侍講學士順天府尹奏增屬吏養廉除私派陋規時議添設錦州莊頭將原交種之退園地畝揀發御史已條

武陵縣志

卷之三六

人物志

仕蹟

七

上其事超會上言地交民種立業旣久今添設莊頭百戶卽有萬戶無地可耕之民清丈動需經時復失小民西成之望議遂寢十一年總督倉場旋擢刑部侍郎乾隆二年巡撫廣西奸人以墾田請下部議行不肖官吏因緣爲奸民患苦之超曾執奏以爲粵西田畝雖寬而土壤磽瘠農作外別無生計倘於熟田內報墾升科恐民生日蹙非國家利議上得寢前命他惠政率視此擢兵部尙書五年總督兩江改吏部尙書江淮諸州郡苦窳數患水超曾輒以便宜發倉粟給籽種夏災例不得請賑卹超曾排羣議請之疏數十上悉俞允劾墨吏數十人尤務汰庸懦以爲此輩在地方一日民卽受

一日之累雖罪狀未彰而無形之釀患更深其他事關利弊者皆次第舉行六年內召視部事以督兩江時漕務被議尋以憂歸藁藉喪次致疾卒 上聞震悼詔復原官賜卹如例諡文敏祀鄉賢長子玃傳見藝林次植秉字均甫號梅冶磨光祿寺署正三十喪偶不再娶工詩與朱梅冶景英陳梅岑長鈞相切劘時號武陵三梅著有妙泉初稟植秉子孝驥乾隆甲午舉人知江都縣 府志

裴鱗字九戩康熙癸酉武解元甲戌成進士歷官廣東黃崗副將潔己恤兵有聲 府志

裴鉞字劍昭父鯉由武舉官江南領運千總鉞少以將材仕

武陵縣志

卷之三十六

人物志

仕蹟

八

嶺表歷官定海總兵浙江提督性通敏好文史所至安戢訓飭戎行士樂爲用緣事罷歸 府志參

裴鏡字賢城少依兄鉞善騎射累官藍翎侍衛出爲臺灣總兵立法嚴部下爲戢累遷高廉羅瓊州總兵欽州地有界安南者華彝雜處頗不靖大吏議欲遷之鏡覈軍伍具名籍稽其出入皆安堵得不遷 府志

裴鑲字鷺臣鉞弟乾隆辛酉副榜官甌甯縣丞擢知儋州古枕榔林蘇文忠公祠基也爲建書院益膏火田僮人士興起著有澳門圖說 府志

劉樵字柯臣雍正戊申以孝友端方徵入對條陳湖南水利

事宜兼請以府州縣佐貳專管水利皆議行 詔以知縣發
貴州試用時方用兵苗疆公鷺寨背山面河負固不下樵議
破其犄角兩寨三路合攻搗其巢大帥趨之補施秉縣九股
苗叛圍城堅守七旬得解乙卯苗復叛樵治軍食咄嗟立辦
權知清平邑爲苗疆總匯諸大帥皆駐焉芻蕘糗糧日不暇
給樵請招撫五十八寨熟苗借其力以供軍需從之事竣累
擢知永昌府緣事終永昌間者寃之著有滄亭文稿子天位
傳見藝林 府志參

貴金馬字蓮炬廩生雍正五年以孝友端方徵分發河南署
濬縣縣丞於獄中得二寃狀詳活三命擢知上蔡縣先是蔡

武陵縣志

卷之三十一

人物志

仕蹟

九

河壅鄰邑築隄蔡幾爲壑不得耕金馬繪圖請廢之水得宣
洩蔡人爲建祠訪其裔使奉祀創書院於其側子中孚字信
之乾隆甲子舉人仕至廣西桂平梧鬱道著有戒溺女文孫
逢甲乾隆壬辰進士知銅梁縣道光壬辰重宴瓊林賜知州
銜曾孫杰道光壬辰舉人寄籍上元 府志

陳悌字次方少嗜學與兄愷相師友父相國以勇畧授武職
厭書生乃竊書讀夜則篝燈達旦一試冠軍入郡庠以白鶴
池賦見賞於郡守王葉滋雍正六年舉賢良方正知羅源縣
事皆親覽案無留牘以勞致疾歸子在璣字虞衡與季父孜
醇同中乾隆庚午舉人辛未成進士知尉氏縣有被刃者莫

知主名於別牘中緝之一訊而服河決楊橋口城不沒僅三版在璣督民捍禦之得不潰乃購舟拯溺者以便宜發常平粟大吏嘉其能致醇歷官長沙教授著有精齋文集

府志

顧世琚字採崑雍正壬子舉人知偃師縣控牒至卽與判決民無冤者緱氏山產煤禁錮久邑人苦之力請復開民勒石山麓頌曰朕學蜚腸大開惠圃錫我利源子孫資取載獲載殮匪侯何怙一草一環恩斯莫補子昌運字奎五由附貢知莘縣逆寇王倫之變守城七十餘日賊甫平有妄訐逆黨百餘家並首其子爲倡大吏將臨以兵昌運察其誣以全家力保皆得釋擢知膠州昌述字紹五知四川太平河南泌陽縣

武陵縣志

卷之三十一

人物志 仕蹟

十

府志

陳九霄字紫峯乾隆戊午舉人知武康邑有荒坪數十里多逋賦白大吏請減額稅遷餘姚有武弁弔施某喪酬之薄弁銜之時左道律嚴陰使人於施氏神主旁注奉左道字欲置之死九霄廉知之編白大府會鞠之事乃白緣事罷歸著有

滇蜀遊草雲圃宦稿

府志

朱景英字幼芝乾隆庚午解元知甯德縣前任有黠賊誣良拘繫多瘐死者景英一訊而服縣東湖濱海前令議築隄鳩民金七萬有奇四載弗成景英嘆曰一綫孤隄能與海爭力乎力請罷之擢鹿耳門同知鹿耳門爲臺灣門戶同知司海

口商舶出入兼管四縣舊例凡商舶來自廈門者分配大小
爲六等轉輸廈門已運者免運一次前令有賣放不配運者
積三十餘萬景英令如前帶運積壓一清嘗以臺地遼瀾南
北路兵單汎薄請派兵防衛當事聽其言遷北路理番同知
署汀州邵武府告歸圖書外無餘蓄景英以文學飾吏治簿
書鞅掌不廢吟誦書工漢隸纂修沅州府志精覈爲時所稱
著有畚經堂詩文集子和塚工詩亦善分書通天文歷數晚
年以活人術自給

府志

姚其旋字叔元原名體乾乾隆丙子舉人知清河縣調清江
武進某氏婦殺族叔前令並坐其二子當事委其旋覆讞得

武陵縣志

卷之三十六

人物志

仕蹟

十一

平反再遷長洲委審南匯命案平反三十餘人擢松江府同
知告歸著有行廚集訂正鈞隱圖

府志

覃志京字咫宸廩貢生知齊東縣大青河溢躬泚其地賑之
調曹縣築河隄五十餘處復請捐築保隄葺地擢知莒州逆
匪王倫犯壽張臨清密邇莒志京晝夜登陴晝守禦不獲息
偃者三月賊平乞休歸

府志

姜興周字兆熊寄籍鎮遠乾隆辛酉拔貢知興平縣以擒盜
功擢知安西州歲饑發賑皆躬自勾稽不假手胥吏再擢知
安陸府被議歸性平易無疾言在官二十餘載囊無餘蓄

府志

陳熙志字百惟七歲能文乾隆癸酉拔貢官永定河南岸州

判派修隄防工竣餘貲悉還度支大學士裘曰修閱隄駐署
中熙志庭謁語不及私時論賢之以憂歸起授憑祥州判苗
獠拒命督運糧儲以勞瘁卒於官 府志

吳經邦字堯臣歷官夔州守備從征東台值噶噶之變將軍
田雲進勦經邦得首禍者十人伏法餘賴全活擢忠州都司

子亭一歲貢生 府志

周大本字立齋寄籍鎮遠乾隆乙酉拔貢知諸羅縣邑番夷
雜處遼濶多盜賊大本單騎巡徼盜不敢犯捐俸修縣城朱
景英為作記署滕縣奉檄挑河以勞瘁卒 府志

唐光茂字文燦以把總征金川有功累擢廣州副將署韶州

武陵縣志

卷之三六

人物志 仕蹟 十一

總兵有兵民互鬪光茂偕 欽差鞠之持平無左右袒時論

稱之 府志

楊丕樹字南表乾隆乙卯解元權知和平縣粵俗葬用薄棺

朽則易以瓦缶以是多露齒丕樹令用厚棺深瘞俗因以變

澳門夷船不靖總督某以樹權同知疾馳至諭以往來一循

舊制夷商悅服調翁源環邑皆山為盜藪捕得八十餘人置

之法普濟育嬰公項數千金歲久多侵蝕皆籌款彌補將受

代民詣臺籲留允所請越五年補四會縣卒於官

趙慎畛字遵路少孤奉母教嚴怒責必跪受從母舅王敬禧

學嘉慶元年成進士選庶吉士改編修轉御史再充鄉會試

同考官湖南巡撫阿林保請於秋成後買米五萬石慎畛以
漕運已足不宜更事採買令民艱食奏寢其事遷刑科給事
中典江南鄉試以憂歸服闋補禮科兩廣總督蔣攸銛奏稱
慎畛可大用出爲惠潮嘉道治潮州俗獷悍好鬪操戈矛相
尋者比比慎畛製十戒文化誨之不悛者捕置之法鋤抑豪
強俗以大戢踰年遷廣西按察使時承平久莠民孽芽其間
聚徒黨斂財爲會每一緝獲則輾轉株引閭里騷然慎畛檄
屬吏嚴治首惡而釋其脅從復摘律例中民所易犯暨誣告
各條臚列告諭期與民更始再遷廣東布政使尋擢廣西巡
撫自以受 國恩厚亟思所以報稱旦起治事夜分未偃息

武陵縣志

卷之三十六

人物志 仕蹟

十三

綜覈名實黜酷吏明律令風紀肅然宜山有藍耀青廖五桂
者以左道誘致人財久則刻印將爲亂慎畛躬捕得之皆伏
誅乃清保甲設望樓團練民壯互相守望羣盜無所匿乃悉
就擒道光初擢浙閩總督閩省山崇海濶爲盜賊淵藪視他
省爲難治而延平建甯邵武諸州郡尤深阻漳泉江廣人相
率任土築舍牟什一利有紙炭筍菰諸厥色目良楛麋至羣
不逞窟其中時盜兵爲患督府控甲十一萬有奇半市人隸
名驕悍不可用慎畛至蒐軍實簡將材規畫營制相海島扼
要之處如噶瑪蘭琅琦島皆設偏師以時教練而進退之軍
容爲變又以州縣職捕盜而絀於經費不得舉其職疏請以

萬金界有司乞令部臣無問其出入盜必可盡 詔從之由是文武同力不復有顧忌劇盜數十人次第伏法督閩四年疆圉晏然民頌其功 上亦方嚮用之詔移督雲貴雲南故產銅歲遣官運銅 京師主其事者或不皆如制而鹽井亦滇中大政弊竇叢生頗爲民患慎畛臚舉入 告將大有所湔除又親履屬城經營屯田碉堡事未行而疾作卒官賜卹如例謚文恪與祀鄉賢 慎畛天性敦敏尤嗜善爲諸生卽以濟人爲志撫粵時命諸子建預備倉於里貯穀三千石爲救荒計又捐金恤嫠婦其樂善如此著有奏疏八卷從政錄八卷載筆錄四卷榆巢雜識二卷省會室續筆一卷子敦武陵縣志

卷之三六

人物志 仕蹟

古

詩廕戶部主事歷員外郎轉御史敦訓道光辛巳舉人知黎城縣敦詒道光乙酉拔貢乙未副榜辛卯大饑煮粥活人以是得議叙官 縣教諭

沈廷芳由偏裨從征叛苗白蓮教伊犁臺灣屢著戰功以記名總兵署福建陸路提督治軍有紀律與士卒同甘苦部眾於其去也立祠以祀

劉夢蘭字覺香性沈靜嗜學工制藝試輒冠其曹學使謝階樹有知人鑒最器之舉嘉慶戊寅鄉試第二己卯成進士改庶吉士散館除戶部主事累轉郎中御史典河南鄉試出知南甯府郡處邕南徼彝獠錯處險健好鬪睚眦隙輒持刃相

嚮雖罹罪弗悔夢蘭愍之爲圖罪人構覺迄救牒聽鞠入獄
伏罪諸苦狀家人涕泣求援狀流離失所狀圖皆爲之記沈
痛詳盡使人易曉名之曰教民質語刊布民間頗有感動泣
下者治郡六年民懷其德擢福建糧道之官未幾卽奉吏議
免官初 國家設銀庫於戶部備宮府供億歲遣御史監視
主藏吏因緣爲奸莫可究詰而所遣監視者率歲一再易不
能得其要領以是漏卮日益衆及是事覺按問悉伏法部議
追譴諸嘗監視者夢蘭嘗被是命旬日卽外轉去坐是鑄二
秩免歸里居士講朗江書院課士不設條教委曲誘掖以敦
行爲先游其門者皆修飭不敢爲墮行事歲時接見守令未
武陵縣志

卷之三十一

人物志

代蹟

十五

嘗有所請託人尤賢之

論曰國史傳臣工非膺顯秩例不得預其有一命之吏克
能其職者往往附見於私家之紀載父老之傳述非登之
邑乘其不至久而無聞也幾希吾邑自漢以來登仕籍者
皆有所表見括爲一編將使後之人觀之而興起焉至楊
閣部與兵事相終始才氣踔厲足與張江陵埒而其負氣
傲然亦略同盡瘁之日謗書叢出易代而未有已議者有
謂宜爲公剛瑕存瑜曷佳傳者不知明史所採雖多據美
偉業諸人之說而進之

中祕勤爲成書夫豈草茅所敢宣易方今時事多艱求才孔

棘

有旰削席必有借才異代之感如

純廟之悼熊襄愍者千秋論定不能無望於

聖明之世矣

武陵縣志

卷之三十六

人物志

在蹟

十六



武陵縣志卷之三十六終